

Bosna i Hercegovina
Federacija Bosne i Hercegovine
Unsko-sanski kanton
OPĆINA BUŽIM
OPĆINSKI NAČELNIK

Broj: 02-04-900-10/22
Bužim, dana 04.11.2022.godine

Na osnovu člana 64. stav 1. tačka b) i člana 70. st. 1, 3. i 6. Zakona o javnim nabavkama Bosne i Hercegovine („Sl. glasnik BiH“, broj 39/14), člana 8. stav (2) tačka d) Pravilnika o uspostavljanju i radu Komisije za nabavke („Sl. glasnik BiH“ broj: 103/14), člana 22. Pravilnika o javnim nabavkama u općini Bužim („Sl. glasnik Općine Bužim“ broj: 2/17), na Preporuku Komisije za javnu nabavku broj: 02-04-900-8/22 od 02.11.2022.godine, u Konkurentskom zahtjevu za dostavu ponude, Općinski načelnik općine Bužim kao rukovodilac ugovornog organa donosi:

ODLUKU

o izboru najpovoljnijeg ponuđača

Član 1.

Prihvata se Preporuka Komisije za javne nabavke, broj : 02-04-900-8/22 od 02.11.2022.godine i ugovor za javnu nabavku – **Čišćenje i uređenje korita rijeke Bužimnice** i dodjeljuje se ponuđaču „**KOV-GRAD**“ d.o.o Bužim, ponuda broj: IP-143-10/22 od 02.11.2022.godine, za ponudenu cijenu **8.480,00 KM bez PDV-a (ukupno 9.921,60 KM sa PDV-om)**, kao najbolje ocijenjenom ponuđaču;

Član 2.

Izabrani ponuđač je dužan da u roku od 5 (pet) dana od dana dostavljanja ove Odluke dostavi originale ili ovjerene kopije dokumentacije iz člana 45. Zakona o javnim nabavkama kao i dokumentaciju iz tačke 4.3. Uslov za potpisivanje ugovora iz Tenderske dokumentacije. Ukoliko izabrani ponuđač ne dostavi traženu dokumentaciju u određenom roku ili je dostavi na nepropisan i nepotpun način, ugovor za javnu nabavku dodjeliće se drugorangiranom ponuđaču u skladu sa članom 72. stav (3) Zakona o javnim nabavkama.

Član 3.

Prijedlozi ugovora o nabavci dostavit će se na potpis izabranom ponuđaču po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 4.

Za izvršenje ove odluke zadužuje se i ovlašćuje Služba za civilnu zaštitu i vatrogastvo općine Bužim.

Član 5.

Ova odluka objavit će se na web-stranici općine: www.opcinabuzim.ba, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-04-900/22 od 07.10.2022.godine.

Javna nabavka je provedena putem Konkurentskog zahtjeva za dostavu ponuda.

Procijenjena vrijednost javne nabavke bez PDV-a je 9.800,00 KM.

Obavještenje o nabavci broj: 1119-7-3-73-3-97/22 objavljeno je na Portalu javnih nabavki dana 10.10.2022.godine.

Poziv za preuzimanje tenderske dokumentacije je proslijeđen sljedećim ponuđačima (istovremeno sa slanjem obavijesti na Portal javnih nabava):

- " VELIĆ KOP " d.o.o. Bosanska Krupa,
- " KOV – GRAD " d.o.o. Bužim,
- Obrt Autoprijevoznik Šahinović, Bužim.

Ponuđači koji su preuzeli Tendersku dokumentaciju sa portala javnih nabavki su:

1. BBS Europe
2. EKAPIJA DOO
3. DOO "EURO COP INVEST"
4. KOV-GRAD DOO
5. I - KOMIĆ
6. VELIĆ KOP
7. ASES TEAM

Komisija za javnu nabavku imenovana je Rješenjem broj: 02-04-2057/20 od 06.08.2020.godine.

Komisija za javnu nabavku dostavila je dana 02.11.2022.godine Zapisnik o pregledu i ocjeni ponuda broj: 02-04-900-6/22, Preporuku o izboru najpovoljnijeg ponuđača broj: 02-04-900-8/22 te Izvještaj o radu za broj: 02-04-900-9/22 u postupku javne nabavke .

U postupku po Zapisniku i izvještaju o radu utvrđeno je da je Komisija za javne nabavke blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajući zapisnik, u kojem je utvrđeno sljedeće:

- da je ukupan broj pristiglih ponuda : 3 (tri),
- da je blagovremeno zaprimljeno ponuda : 3 (tri),
- da nije bilo neblagovremeno zaprimljenih ponuda,
- da su sve ponude kvalifikovane i prihvatljive, dostavljeni su svi traženi dokazi propisani tenderskom dokumentacijom, na propisan način.

Uzimajući u obzir uvjete tenderske dokumentacije kojom je predviđeno održavanje e-aukcije, a sve u skladu s Pravilnikom o uvjetima i načinu korištenja e-aukcije („Službeni glasnik BiH“, broj: 66/16), Komisija je zakazala e-aukciju na Portalu javnih nabavki (www.ejn.gov.ba) dana 02.11.2022.godine sa početkom u 09:00 sati i predviđenim početnim trajanjem e-aukcije od 20 minuta .

Po okončanju e-aukcije koja je trajala 20 minuta (Izvještaj o toku i završetku e-aukcije u prilogu), a uskladu sa utvrđenim kriterijem „najniža cijena“, Komisija je utvrdila sljedeće:

1. Cijena ponude ponuđača „VELIĆ KOP“ d.o.o. Bosanska Krupa u iznosu od 8.650,00 bez PDV-a promijenjena je u odnosu na početnu cijenu ponude i iznosi 8.491,00 KM bez PDV-a;
2. Cijena ponude ponuđača „KOV-GRAD“ d.o.o. Bužim u iznosu od 9.650,00 bez PDV-a promijenjena je u odnosu na početnu cijenu ponude i iznosi 8.480,00 KM bez PDV-a
3. Cijena ponude ponuđača „I - KOMIĆ“ d.o.o. Bosanska Otoka u iznosu od 10.400,00 bez PDV-a nije promijenjena u odnosu na početnu cijenu ponude;

Kako su ponuđene cijene nakon završene E-AUKCIJE promjenjene, Komisija utvrđuje konačnu rang listu ponuđača koji su ispunili kvalifikacione uvjete:

RBr	Naziv ponuđača	Ukupna ponuđena cijena sa uračunatim popustom (bez PDV-a)
1.	„ KOV – GRAD “ d.o.o. Bužim	8.480,00
2.	„ VELIĆ KOP “ d.o.o. Bosanska Krupa	8.491,00
3.	„ I - KOMIĆ “ d.o.o. Bosanska Otoka	10.400,00

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima,

internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene, kako slijedi :

Čišćenje i uređenje korita rijeke Bužimnice

	Naziv / ime ponuđača	Ponuđena cijena (bez PDV-a)
1	„ KOV - GRAD “ d.o.o. Bužim	8.480,00 KM

Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU :

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

Obrada : Komisija za javne nabavke, AD

Dostaviti:

1. Ponuđaču: „KOV-GRAD“ d.o.o. Bužim,
2. Ponuđaču: „VELIĆ KOP“ d.o.o. Bosanska Krupa,
3. Ponuđaču: „I-KOMIĆ“ d.o.o. Bosanska Otoka,
- ④ Web stranica općine Bužim,
5. U spis predmeta

U ime ugovornog organa
OPĆINSKI NAČELNIK
Mersudin Nanić, dipl.ing.inf.

